

卷之一

职方

观于天文,以知地理。析木之津,幽燕之里,有度可稽,有时可纪。上探苞符,旁综经史,举例发凡,于是乎始。志职方。

星野

天有十二辰,日月躔焉;地有十二野,官师掌焉。以野配辰,职方乃厘然可考也。人谓星野之说始于班固《三统历》,殆不然。周官保章氏以星土辨九州之地,所封封之域,皆有分星。郑注以九州言其大界,至州中之封域,于星又各有分,知其传固已古矣。后人多弗深考,第云禹贡某州之域,为某分野,而不言其所自出,至其分入之度,益无有详之者。余窃据周官郑注之义,以诸史参之,知分野之更有分星,而宝坻之为燕分,其度因略可测识,用标众说于左,一变自来邑志之旧,庶后有精于天文者得折衷焉。

《史记天官书尾箕幽州正义》云:“尾箕,燕之分野,为幽州。”

《春秋》元命苞箕星散为幽州,分为燕国。

郑元《周礼注》:“析木燕也,总义云析木燕之分星,幽州之星土地。”《尔雅》:“析木谓之津,箕斗之间汉津也。”孙炎注:“析别水木,以箕斗之间是天汉之津也。”

《汉书·地理志》:“自危四度至斗六度,谓之析木之次,燕之分也。”皇甫谧《帝王世纪》:“自尾十度至斗七度百三十五分而终,曰析木之次。于辰在寅谓之摄提格,于律为应钟斗建在亥,今燕分野。”《后汉书·郡国志》引以为注。《晋书·天文志》:“自尾十度至南斗十一度为析木。于辰在寅,燕之分野,属幽州。”又云:“天汉起东方,经尾箕之间,谓之汉津。”陈卓谓:尾箕,幽燕也。自尾十至南斗十一,费直起尾九,蔡邕起尾四。亦见晋书。

《隋书》与《晋书》同,但不属天文,而属地志。

《新唐书·天文志》：“尾箕，析木津也。初尾七度；中箕五度，终南斗八度。”

《辽史地理志》：“南京析津府，本蓟。开泰元年更名以燕。分野旅寅为析木之津。”

《国语解》：“野旅寅野，谓星野；旅谓躔次。寅者辰舍东北之位。”

《元史·律历志》：“尾三度一分一十五秒，入析木之次，辰在寅。”

《明史·天文志》：“尾三度至斗二度，析木之次也。”

按：已上诸条，皆周官所谓以星土辨九州之地所封也。然所言亦有互异。元命苞言：“箕不及尾。”《史记》言：“尾箕不及斗。”而《汉书》自危起度。“晋、隋书则：自尾起度。”以后诸史皆起尾其度，数又各不同，何其纷纷不一哉。曰专言箕以其时，幽州未合于冀也。曰尾箕则合冀于幽，而统为燕矣。自危起者，由子而丑，而寅顺推也。自尾起者，由寅而丑，而子逆推也。而以析木论之，则尾凡十八度，箕凡十度。接尾入斗，则箕木也。位在东斗水也。位在北，居云汉而作渡，实为析木之津。此后世言天文者，所以必自尾起乎至越，析木为星纪，则吴越之分矣。兼言斗者，特书乎燕之所际耳。若夫度数之不同，乃由历代历法之屡改，古今律历志具在，可考而知，何惑焉？

《周礼注》：“各郡邑皆有分星，其书亡矣。堪輿虽有郡国所入度，非古数也。”

《晋书·天文志》：“范蠡、鬼谷先生、张良、诸葛亮、谯周、京房、张衡云：“尾箕，燕幽州。上谷入尾一度，渔阳入尾三度右，北平入尾七度西，河上郡北地辽西东入尾十度，涿郡入尾十六度，渤海入箕一度，乐浪入箕三度，玄菟入箕六度，广阳入箕九度。”（按其时地属渔阳）《新唐书·天文志·李淳风撰法象志》：“因汉书十二次度数，始以唐之州县配焉。僧一行谓自渤海九河之北，得汉河间、涿郡、广阳及上谷、渔阳、右北平、辽西、辽东、乐浪、玄菟、古北燕、孤竹、无终九夷之国尾，得云汉之末派龟鱼丽焉。当九河之下流，滨于渤碣，皆北纪之所穷也。”

《明史·天文志》：“北平之北平府，尾箕分，涿、通、蓟三州皆尾分，霸州、保定府皆尾箕分，易、安二州皆尾分，河间府、景州皆尾箕分，永平府尾分，滦州尾箕分。”

清《类天文分野书》：“宛平、大兴、良乡尾一度，通州、三河、武清尾二度，昌平、顺义、密云、怀柔尾三度，涿州、房山、霸州、文安尾四度，丰润、玉田、蓟州、保定尾五度，遵化、平谷尾七度。”

按：已上诸条皆周官所谓所封之域。各有分星者也。分星之于分野，则又有间矣。分野者，因天之所躔其规一定；分星者，因地之所入其数错综故谓。自尾至斗为燕之分，特郑氏所云大界耳。论州郡所入，则何可以所起之度泥哉！昔人推《晋书》为千古天文冠，先载分野于前，又载州郡之跃度于后，其故晓然矣。此地于晋属渔阳，为尾三度，于明清类天文，当与三河、武清、同为尾二度。迨我朝时，《宪一书》至精至密，又有非前代所及者。凡郡邑所入以七政本轮，与各地平经纬交算，即得各界之地方。以京师为里差之元，其东西南北俱二百五十里差一度，兹地去京师才二百里，则度当与清类天文不异。至西法又谓自房初度，至箕二度为析木之次，此特论黄道之过，宫以岁差计之，而非所以论星野也。谨详晰书之。即一邑之星分穆然见，敬授之心法焉。

附

星 占

《史记玉衡第八》：“星主幽州，常以五寅日候之。”

《星经辰》星主幽州。《尚书考》：“灵曜云：“辰星，水精也。”

《汉书·天文志》：“燕齐之疆，候辰星占虚危。”又云：“壬燕赵，亥燕代。”

《唐书·天文志》：“大梁析木以负北海，其神主于恒山，辰星位焉。”

《大象列星图》：“楚南一星曰燕，有变动，以其国占之。”

《宋两朝天文志》：“北斗七星，是谓帝车运乎中央，而临制四方。六日开阳，亦曰应星主木主燕。”

《宋史·天文志》：“天市垣二十二星，东西列各十一星，其东垣南第三星曰燕。”

《后汉书·天文志》：“元典元年闰七月，流星起斗东北，行至须女。须女燕地天市。其年，辽东貂人反，发上谷、渔阳、右北平、辽西、乌桓讨之。”

《后汉书·五行志》：“建武十二年正月己未，小星流百枚以上，或西北，或正北，或东北，二夜止。六月戊戌晨，小流星百枚以上，四面行小星者，庶民之类流行者，移徙之象也。后三年，吴汉、马武徙雁门、代郡、上谷、关西县吏民六万余口，置常关、居庸关以东，以避寇。”

《文献通考》：“景初元年十月壬申，太白昼见在尾，历二百余日。占曰：“尾为燕有兵。时公孙渊自立为燕王，置百官，发兵拒守。宣帝讨灭之。”

《晋书·天文志》：“晋惠帝永典元年七月庚申，太白犯角元，经房心历尾箕。是年九月，王浚杀幽州刺史。”“穆帝永和八年六月辛巳，日未入，有流星大如三斗魁，从辰已上东南行，推之在箕斗之间，燕分也。占为营首，营首之下，流血滂沱。是后，慕容俊僭称大燕，攻伐无已。”

《礼经会元》：“景星见箕尾，而慕容德复燕，此分野之验也。”

《隋书·天文志》：“建德六年十月丁卯夜，白虹见，长十余丈，头在南尾，入紫宫中。明年正月平齐，与齐军大战。”

《唐书·天文志》：“开成三年十一月乙卯，有彗星于东方，在尾箕东西亘天。十二月壬辰不见。”“天宝九载八月五，星聚于尾箕。荧惑先至而又先去。尾箕燕分也。是时，安史作乱渔阳。”“大历二年九月乙丑，昼有星如一斗器，色黄有尾，长六丈余，出南方没于东北，于中国则幽州分也。”“开成四年正月丁巳，荧惑太白辰星聚于南斗，推历度在燕分。占曰：“内外兵丧。””

按：自宋以后，志天文者，多不及占验。而宋时，星象之尾箕间者尤多。其时，幽州、燕地尽属辽金，故宋史略焉。不知天意正为宋戒也。辽金冯陵宋国，殆无虚日，谓非尾箕之应欤。至于明而星纬之失其常者，更不可枚举矣。流寇纵横，蹂躏畿辅，而真人已受命于辽阳，彼昏不知，方泄泄

然以天变为不足畏也。悲夫！余仅附其占验之灼然者，而后此亦可类推矣。

沿 革

分星如故，则分域如故。所非故者，沿革耳。然按之职方上下三千年，如目睹而手揣也。此地固燕之分，自周迄今，所隶既殊，称名亦异，几纷纷而不可稽矣。要之晋以前为泉州，金以后为宝坻。其间或分或并，或废而为镇，或升而为州。按其时，考其地，历朝之掌故备焉，岂但发沧桑之慨已耶。

《虞书》曰幽都(幽之名始此)。

《禹贡》曰冀州。

《十道志》：“夏殷省幽并冀。”

《史记·燕世家》：“周武王灭纣，封召公于北燕(燕之名始此)。至战国时，燕筑长城，自造阳至襄平，置上谷、渔阳、右北平、辽西、辽东郡。”

《舆地广记》：“秦四十郡，幽为上谷郡。”

《史记》：“自雁门太原以东至辽阳，为燕代国。汉五年八月，立卢绾为燕王。”

《太平寰宇记》：“高帝六年，分燕置涿郡。十二年，绾降匈奴。复封王子建为王。吕后诛建，子又分燕国之地，置涿郡及广阳国。文帝元年，徙琅琊王泽于燕，至孙定国免。武帝元狩六年，又封王子旦置十三州，改为幽州，领郡国十。昭帝元凤元年，旦诛改为广阳郡。

按：汉以前邑名无考，可考自《前汉书》始。然于传有之不可阙也。姑揣数条补焉，以下则据诸史备录之。

《汉书·地理志》渔阳郡县十二

渔阳

狐奴

路

雍奴

泉州(邑旧名，莽曰泉调)

平谷

安乐

庠奚

犷平

要阳

白檀

滑盐

属幽州

《后汉书·郡国志》渔阳郡九城

渔阳

狐奴

潞(即路)

雍奴

泉州

平谷

安乐

庠奚 即庠奚

犷平

属幽州

《晋书·地理志》燕国统县十

蓟

安次

昌平

军都

广阳

潞

安国

泉州

雍奴

狐奴

属幽州

按：自惠帝之后，幽州没于后赵石勒。及穆帝永和五年，慕容俊僭号于蓟，是为前燕，至暉为秦苻坚所灭。秦乱，慕容垂得其地，州郡之名如故。及魏道武破慕容，宝地遂入于魏。

《魏书·地形志》渔阳郡领县六

雍奴(真郡七年并泉州入焉)

潞

无终

渔阳

土垠

徐无

属幽州

《隋书·地理志》涿郡统县九

蓟

良乡

安次

涿

固安

雍奴(泉州并其内)

昌平

怀戎

潞

冀州之域

《唐书·地理志》幽州范阳郡县九

蓟

幽都

广平

潞

武清即雍奴。天宝元年更名泉州,并其内。

永清

安次

良乡

昌平

按:自天宝中,安禄山、史思明僭窃。自此历经朱滔、刘总、朱克融、杨志诚之乱,及光启中李克用败李匡筹而有其地,时刘仁恭附克用,表为卢龙节度使。仁恭子守光囚父杀兄,僭称燕。李存勖遣周德威攻之,擒仁恭父子以归。存勖灭梁,是为后唐。同光中,命赵德钧镇芦台军,后为卢龙节度使。因于此地设盐场,立新仓。及石晋以契丹兵灭后唐,割燕云十六州赂之地入于辽。后辽为金所灭,终宋代地非宋有也。故以下采辽金二史,不及宋。

《辽史·地理志》析津府县十一

析津

宛平

昌平

良乡

潞

安次

永清

武清

香河 武清地。时辽于新仓置榷盐院,居民聚集,因分武清、香河、潞三县户置。

三河

灤阴

隶南京道

《金史·地理志》大兴府县十

大兴

宛平

安次

灤阴

永清

宝坻 县名始此。本新仓镇,大定十二年置。以香河县近民附之。承安三年升置盈州,以香河、武清隶焉。寻废州。

香河

昌平

武清

良乡

隶中都路

《元史·地理志》大兴府县六

大兴

宛平

良乡

永清

宝坻

昌平

隶大都路

《明史·地理志》顺天府领州五县二十二

大兴

宛平

良乡

固安
永清
东安
香河
通州
三河
武清
灤县
宝坻
昌平州
顺义
密云
怀柔
涿州
房山
霸州
文安
大城
保定
蓟州
玉田
丰润
遵化
平谷

国朝顺天府辖州六县二十一

大兴
宛平
顺义
昌平州
良乡
密云
怀柔
固安

永清

东安

香河

通州

三河

武清

宝坻

宁河 于雍正九年分宝坻之梁城所新设县省漕

涿州

房山

霸州

文安

大城

保定

蓟州

玉田

丰润

遵化州

平谷

论曰：史家分天文地理二例，独分野于二者未有专属。（《汉书》《隋书》属地理，《后汉》属郡国，《晋书》《唐书》《明史》属天文）至于历朝沿革之故，多载地理中。而太史公亦附见于《天官》。《五代史》则以司天考代天文，以职方考代地理。义又一变焉，顾此皆史体耳。若邑志类不设天文、地理之名，窃以为言职方而两者足以该矣。为疆为度，疆域所由定也；为邑为州，制度所由立也。仰观俯察，而职方氏之所掌，岂外此哉！余故广采百家，详为剖晰，合星野、沿革而名曰《职方》，以冠十八卷之首。